

MAIKALIMA A DOMINGO TI KUARESMA/ UCM FELLOWSHIP OF THE BIGGEST C

TI GIMONG AGDAYAW ITI DIOS

PRELUDIO: (agpasango dagiti agakem ken masindian dagiti candela ti altar, malukatan ti Biblia)

PANAGSAGANA:

Naparsuatayo a kalanglanga ken kaas-asping ti Dios, nasubbot babaen iti misterio ti parabur ken gracia ti Mesias, adtoytayo a sumungbat iti konkreto nga komitment iti panagmision babaen iti intay panangipasdek iti pagarian ti Dios ditoy lubong. Ti komitmenttayo buangayenna ti ragsak a mangiburay kadagiti kinabaknang nga adda kadatayo. Ngarud ita a bigat, selebrantayo ti Fellowship of the Biggest Coin. Agmaymaysatay ngarud a mangdayaw iti Dios isu a namagkaykaysa kadatayo iti nagan ti panagserbi ken ayat.

**AYAB TI PANAGDAYAW:

Mangidalan: Naimbag ken nasayaat nga aldaw, aldaw ti Domingo! Naummongtayo ita iti sanguanan ti trono ti Managayat nga Ama, isu a nangayab kadatayo iti agnanayon a panangpabaro kadagiti komitment iti nasged a panangiproklamar iti Naimbag a Damag ti panagayat ken panangisalakan.

Gimong: Dayaw ken tan-ok iti Namarsua, Mangisalakan ken Manarawidwid a Dios isu a mangitunda kadatayo iti talna ken kappia, panagmaymaysa tapno isuko ti biag a mangyaramid iti trabaho ti pannakabalbaliw ti Iglesia ken kagimongan.

Amin: Dayaw ken tan-ok para iti Dios a napnoan kinasirib ken wayawaya. Amin nga kinasirib, sasao, kankanta, ti Iglesia, ti kagimongan, dagiti rekurso, oras, tiempo, panawen, pammati ken ti biagtayo, amin dagitoy ket maipaay a pakaitan-okan ti Nagan ti Dios. Umaykayo dayawen ken kantaantayo ti Dios! Madaydayaw ti Dios! Amen!

**KANTA TI PANAGDAYAW

♪ Let's Worship and Praise God ♪

Let's worship and praise God with joyful songs
For the blessings that God has bestowed
Let's praise God and worship the Lord with songs
For the blessings that God bestowed.
Chorus: God's grace unfathomed and free
Flowing on through the night, through the day
Let's praise God with singing,
Let's praise God in service;
Together let's praise the Lord.
Let's worship and praise God with joyful songs
For Christ Jesus, God's gift to the world
Let's praise God and worship the Lord with songs
For Christ Jesus, the Living Word.
Let's worship and praise God with joyful songs,
Praise and off'rings to Yahweh belong,
Let's praise God and labor in service true,
For the blessings so fresh, so new.

**INBOKASYON:(Sapasap)

Sibibiag, Managayat ken Manangwayawaya a Dios, makikaadda ka kadakami iti inkam panagdayaw ken ti panagbiagmi ditoy lubong tapno ituloymi ti agayat ken makipagpaset ti pannakaruk-at ti lubongmi manipud kinadakes. Aramatem kadi O Dios daytoy a serbisyomi kas selebraranmi ti Fellowship of the Biggest Coin dagiti United Church Men iti salinong ti United Church of Christ in the Philippines kas mangkarit kadakami tapno maaddaan kami ti ayat nga mangituloy iti panggep mo ditoy rabaw ti daga. Agtultuloy kadi a maipalagip kadakami ti gracia ti ministerio, ipapatay ken panangungar ni Jesus a Dios, Mannubbot ken Mangisalakanmi. Daytoy ti karagmi ken Jesus nga Apomi, Amen.

PAGSISINNUBLATAN A BASAEN: Isaias 58:6-12

Mangidalan: Kastoy ti kayatko a panagayunar: Ikkatenyo ti kawar ti panangidadanes ken sangol ti kinakillo ket wayawayaanyo dagiti maparparigat.

Gimong: Ibingayyo dagiti taraon kadagiti mabisbisinan. Pasangbayenyo dagiti napanglaw nga awan pagtaengan. Kawesanyo dagiti awanan aruaten ket diyo ipaidam dagiti tulongyo kadagiti bukodyo a kabagian.

Mangidalan: No aramidenyo daytoy, kaslanto init ti bigbigat ti paraburko a mangraniag kadakayo, ket nabiiito a mapaimbag dagiti sugaty. Kanayonto nga addaakto kadakayo ket isalakankayto. Ti kaaddakto ti mangsalaknib kadakayo iti sadinoman nga ayanyo.

Gimong: No agkararagkayo, sungbatankayto. No awagandak, ipangagkayto. No isardengyo ti panangidadanesyo ken ti panangipakitayo iti gurayo ken liklikanyo dagiti dakes a sao, no pakanenyo dagiti mabisin, ken no itedyo ti masapul dagiti napanglaw, naraniagto a kas agmatuon ti sipnget a manglikmut kadakayo.

Mangidalan: Kankanayonto nga idalankayo ket itedkonto amin nga agkakaimbag a banbanag a kayatyo. Pagtalinaedekto a napigsa ken nasalun-atkayo. Mayarigkayto iti hardin nga adu ti danumna a kas ubbog a di agmaga.

Amin: Bangonento manen dagiti tattaoyo dagiti pasdek a nabayagen a narba. Agpatakderdanto manen kadagiti daan a fondasion. Maawagankayto a kas tattao a nangipatakder manen kadagiti bakud, ken nangbangon manen kadagiti narpug a balbalay...

AYAB TI PANAGBABAWI KEN PANAGPAKAWAN:

Pangulo: "Pudno a kenka laeng Apo Dios ti pakaipaayan ti dayaw ken tan-ok ken pannakabalin, gapu pinarsuanakami ket intedmo ti anges ti biagmi." Ituloymi nga iruknoy ti panagdayawmi kenka kas tingitingenmi ti biagmi no maikanatad met laeng kenka. Umaykayo kakabsat iti Apo sangsangkamaysatayo nga agpakawan iti Apo (**kanito a panagulimek a panagkararag**)

**PAMMATALGED TI PAMMAKAWAN TI APO
PANNAKAYALLATIWI TI KAPPIA:**

(Iyallatiw tayo ti kappia ken talna babaen iti panangkanta ti We're Together Again...)

**KABLAAW/PAKARAGSAKAN/PAIKARARAGAN
KARARAG DAGITI TATTAO:**

Sungbat: "Denggem O Apo"

****PANNAKAIBASA TI NASANTUAN A SURAT:**

Daan a Tulag: Isaias 58:6-12

Baro a Tulag: Mateo 20:1-16

Sungbat: "Ti Saom, silaw dagitoy sakak ken lawag ti pagnaak"

MENSAHE TI KANTA:

MENSAHE TI BIAG:

PANANGIDATON TI BIAG KEN PAGYAMAN:

Pangulo: "Padayawan ti Apo babaen iti panangidatagmo kenkuana iti kasayaatan nga apitmo. No aramidemto ti kasta mapnonto dagiti kamaligmo, ket agliplipasto iti arak dagiti burnaymo."

(panagited cadagiti pagyaman ken sagsagut)

KANTA TI PANANGIDATON: Awatem Jesus

****DOXOLOGIA**

****KARARAG TI PANANGIDATON:**

Apo Dios a napnoan ti gracia, agyamankami kadagiti nabuslon a bendisyonmo ken dagiti banag a mabalinmi nga ipaay ken iburay, kangrunaan iti Amin ti biag ken pammati nga adda kadakami. Iddatomi dagitoy nga bagi ti pirak ken biagmi kas agtultuloy nga instrumentoiti talna a naibatay iti husticia. Agkararagkami ken Jesus nga Apomi, Amen

TI NASANTUAN NGA LAMISAAN TI APO

CHURCH BULLETIN

**PANANGIBASA TI RATIONALE TI FELLOWSHIP OF THE
BIGGEST COIN (UCM-Incharge)**

***KANTA TI PANAGKOMIT**

HFJ #295

**(Ipaaytayo dagiti kuarta/pirak a simbolo ti
Fellowship of the Biggest Coin)**

The Hands of God

The hands of God that makes the whole creation new That guide us through the path that we must tread They lifted up the lowly and the Poor Hands that brought down the mighty from their thrones

Chorus: The hands of God that guide us through the years From doubts and fears those hands have led us through They call for faith and hope and love to reign in us The hands of God that work through you and me

The hands that make the lame to walk and blind to see The hands that work to set our people free The hands that touch the sinners and lonely Are Hands of God that work through you and me [Chorus]
The hands of God that make the church to live and Grow That gives its power to face all fears and woes The hands that make for peace to reign all over us Are Hands of God that work through you and me

[Chorus]

***KARARAG PANAGYAMAN (Pastor)**

***PAMENDISION (Pastor)**

Inkayo ket ti Dios a Namarsua kadatayo ti Diosyo saan a ti kinabaknang a mangdadael kadakayo. Inkayo iti nagan ti talna ken kappia, ken iti panagayat ket ipapusoyo nga agtaud ti talna ken ayat iti Dios. Inkayo ket isaknapyo ti mission ti Dios kadagiti lugar a nangisaadan ti Apo kadakayo. Inkayo a mangted biag iti masaksakit ken matmatayen a lubongyo... Iti nagan ti Ama, Anak ken Espiritu Santo... Amen!

PANAGBABA DAGITI AGAKEM

POSLUDIO

Enter to Worship...We depart to Serve


HOLY WEEK SCHEDULES:

- March 20: Domingo Ramos
- March 24: Santa Cena
- March 25: Dagiti Pito a Balikas ni Jesus
- March 27: Domingo Alleluia



**UNITED CHURCH OF CHRIST IN THE PHILIPPINES
NORTH LUZON JURISDICTION
March 13, 2016**

Lent



**TI MISTERIO TI PARABUR TI
MESSIAS
TI TEMA ITA A DOMINGO:**